



蓬萊閣集卷之五

七言古詩

唐詩一首

登天壇夜見海日

李益

朝遊碧峯三十六夜向天壇月邊宿僊人携我蹇王
英壇上夜半東方明僊鍾撞撞迎海日海中離離三
山出霞梯赤城遙可分霓旌絳節倚彤雲八鸞五鳳
紛在御王母欲上朝元君群僊指此為我說幾見塵
飛滄海竭竦身別我期丹宮空山處處遺清風九州

下視杳未旦一半浮生皆夢中始知武皇求不死去
逐瀛洲羨門子

宋詩一首

禱海市

蘇軾

東方雲海空復空群僊出沒空明中
蕩推浮世生萬象豈有貝闕藏珠宮
心知所見皆幻影敢以耳目煩神工
歲寒水冷天地閉為我起錨鞭
庶龍重樓翠阜出霜曉異事驚倒百歲翁
人間所得容力取世外無物誰為旌
率然有請不我拒信我人厄非天窮
洛陽

太守南遷歸喜見石廩堆祝融自然正直動山鬼
知造化哀龍鍾信有一笑豈易得神之報汝亦已豐
斜陽萬里孤鳥沒但見碧海磨青銅新詩綺語亦安
用相與變滅隨東風

元詩一首

登蓬萊閣

趙亨

塵埃世路悲寥落一上蓬萊最高閣
海天無窮目力窮暫覺煩襟為軒豁
虛簷縹緲接雲煙水底蛟鼉總晏然
方壺圓嶠杳何許笑欲舉手招飛僊
秦皇漢武

何如主可憐淺識鄰兒女遺臺突兀倚晴洲猶是徘徊望僊處豈知方士皆妖妄徐福未來藥大往沙丘風慘輶轎車栢梁露冷銅人掌千秋有客重登眺往事悠悠尚堪吊可人幽鳥解忘機喚取樽前諧一笑前年水災今羊官使者東行拯民瘼豈無蝦鱗可療饑矯詔珠宮上海若夜來萬鼓聲何壯應是長風駭巨浪客床搖動不成眠起看扶桑紅日上

國朝詩

詠海

薛瑄

驄馬曉辭萊子國北上高岡俯遼碣遼陽萬里天風寒山溪二月凌漸結空濛極目春無邊春濤洶洶涵春煙還從絕頂下長坡高城人起滄溟前滄溟倒浸紅樓影通衢四達塵埃靜以持節是

明時况復觀風得佳境天空海濶霜臺高霜臺逸思何飄飄巨鰲負山真浪語大方見笑非虛謠乾坤俯仰高歌起有物無名大莫比瀛海茫茫未足誇真是人間一泓水

詠海

張穆

世間百物海為大茫茫無涯亦無外但見日月互升
沉回視江湖敢襟帶九河四瀆盡朝宗萬流千流皆
會同浩渺已將塵世隔周流直與天河通更有弱流
三萬里誰云航之直一葦造化渾凝混沌初乾坤盡
在空濛衷中有負闕歲珠宮珠宮深處多蛟龍揚波
莫作滔天勢澤物當施濟世功吾

皇建極仁恩布四海無虞兆民附宣尼不用乘桴浮
亞聖何勞挾山喻三山漂渺接蓬萊安期浮丘不重
來徐福真成避秦計始皇可惜非僊才君侯愛客不

可當邀我登臨到上方酒酣凭欄一長嘯此身真與
凌風翔藍橋赤城有奇遇閬苑瀛洲豈無路雲輶鶴
馭來幾時我欲乘之上天去

觀東坡海市碑有感

杜庠

韓愈能開衡山雲東坡禱現登州市二賢不但文章
師更有感召亦奇異可憐遭遇非其時海涯嶺表官
流離古來豪傑多如此宣父亦欲居九夷我從天上
到東海目覩東坡舊碑在刻文剝落莓苔生神思維
持三百載臨風三復發浩嘆心神豁爽毛骨寒恍然

坐我海濤上異事得與東坡觀立馬城頭詢父老海
市常時結山鳥忽現忽滅如有神始信坡詩不虛道
曾聞蜃氣吹噓成莫言恠異令人驚世間萬物有常
數物之變化非物情何當借我三山鶴凌風吹上蓬
萊閣不徒海市生目前醉拍欄干看潮落

詠海

王士昭

海東赤日生扶桑碧波萬頃搖晴光海人驚報海市
出十二三樓摩曉蒼金城耀空宇濶雲窻半起東
南角彷彿人家住十洲雞聲隱隱聞呶喔別有孤亭
山畔起青松盤距蛟龍尾借問樽前宦遊客此景人
間真有幾神工變幻頃刻收山自差我水自流塵世
榮華亦如此憑欄一咲海天秋

詠海

秦金

晴雲晝護蓬萊島海上青峯翠縷小煙波萬里駕滄
溟巒地神工術奇巧珠宮貝闕寶藏興恍惚闐闐移
山城八千世界蒼龍窟十二樓臺白玉京芙蓉秀出
孤松嶺亭子分明傍僊境氣化細縕有倏無萬象盪
摩皆幻影高閣乘風此望洋乾坤吾道心茫茫襟俎

披竒竟何補夷堅志恠誠荒唐異哉海市何人傳歲
寒健筆驚坡僊誰知茲祥非偶然一兩三日占豐年
海市之名今更顯柱史文章光琬琰

詠海二首

陳鼎

振吸六陰呼九陽洪濤煎沸何茫茫盆盆朝暎夜皓
魄兩丸跳擲魚龍乍南面丹崖數千尺城於絕頂高
尋常更因高處著此閣簷牙撞破雲烟洞窳宜海市
巧相向三家互換真文章蓬萊弱水香何在空名寄
此為誰芳偶然登眺亦不俗那堪周覽臨昏黃寥寥

村郭動煙火十分只有三分強逃亡破屋但四壁桑
榆斤斧無遺行早願薰風自南來倚欄搔首思虞唐
休論羸劉覓僊誤夫何一國皆如狂欲提此閣投之
海盡使名迹俱消亡一洗迷蒙自今古且無民瘼愁
清揚趁遂閑鷗老山海羊裘何必終嚴光
凌虛出市何冥濛應與萬物同論切相傳靈蜃解爾
爾云胡獨見蓬萊東竹山妃子巧粧束翠屏金鏡堆
芙蓉幾回梳雲蛟室暗有時浴日鯨波紅恍疑根着
帶鰲極不然底柱搢驪龍海若無言風伯死六丁白

日驅豐隆樓居十二隔雲霧
瀛州九點攢神工三朝
宜雨卜已久卷舒誰者尸
幽宮求僊男童招不返
征遼殘卒心猶雄無乃精魂
依幻劫不隨遊水徒匆匆
小兒造化只如此蘆灰色石
非談空三山遙指亦有
意挑花未許劉郎通歸來
几席有滄海終當稽首乘
桴翁

夏日登蓬萊閣

顧中立

昔聞蓬萊之閣遼海東
廿年夢想嗟無從
邇來行役歷海上始遂登
覽披心胸壯哉此閣真巨
觀俯瞰渤澥窺羸蓬八窗
空洞吐元氣列棟突兀排
天風時當五月毒雨收氣
清天朗煙霧空遙山近巖
出水面望中朶朶青芙蓉
洋洋以東小竹西恍然佳
氣連諸峯青冥浩蕩久不
散幻出海市呈海功初如
長隄堰陂水上有青草交
蒙茸俄為平城起樓觀隱
隱戶牖開玲瓏閒如小亭
傍幽圃突如巨閣臨平嵩
窳如村墟翳林莽儼如寢
廟垂簾攏飄如僊人馭鸞
鶴矯如群帝駭螭龍或如
平沙駐萬騎閃爍時見旌
旗紅或如長橋卧蒼波中
起下伏形穹窿往來續紛
若車馬延

袁宛轉如垣墉萬恠不可以盡述斯理百世無人窮
相傳蛟蜃吐靈氣此說迂誕不可宗蜃之為物非匏
瓜圖南徙北無留踪云何四海盡不市獨向此地施
竒工吾聞神僊之居在東海瑤臺玉宇雲霞中竒花
珠樹遍玄圃限以弱水無由通又聞蛟龍之窟在海
底前起貝闕抱珠宮玉函寶冊秘水府時有精氣騰
蒼穹僊都靈境不終蘊無乃變現海市昭形容古今
見者百一二我來忽覩真竒逢坐中多史才獨瞻援
筆立賦如流虹雲煙滾滾走筆下直與海市爭長雄
群公嗣此咸有作琳瑯取鏗戛交詞鋒惟子寡昧歌下
里何異擊缶和黃鐘去來行千里兩月餘雙眉不展憂
忡忡流離載酒在司牧况復遍野滋惶惑斯遊雖勝
敢盤臯此意群公應所同臨風把酒不成醉吁嗟仰
愧希文翁

和東坡禱海市

郭宗舉

亂雲堆兩綴春空琅邪山色有無中欲從韓衆學辟
穀山頭誰為結行宮僊人赤手補天漏力士以足畫
鬼工千尋絕澗飲渴虎九天飛瀑遊毒龍殿中亦有

曼倩子方士不感李少翁神駿一顧空萬馬干將中
夜鳴其雄曠浪觀物入有涯汗漫相與期無窮穩坐
鶴背瞰九州詩芽旋茁春機融對食誤驚承明詔夢
回忽聽景陽鍾霓旌翠纛觀華金橋貝闕文在豐
此德自佩水蒼玉勒功將鑄首山銅羨君天鵬翀天
翻敢不端拜天風

和東坡詠海市

潘滋

君才如天馬行空手提滄海雙袖中清曉酌酒玉母
池黃昏棲宿藥珠宮池洗墨水為黑至今墨竹奪

天上忽然險語動明主誰知老檜非虬龍自以鍊節
恣詆諧正論不詭伊川翁去心挾飛仙抱明月豈與人
世爭長雄嶺表歸來又東海故吾道在末為窮忌材
何代無黃祖錯認前身是孔融日出應見扶桑樹霜
後自鳴豐山鍾願以聖德頌八慶曆敢謂司馬歸元豐
行歲聊復紆黃紙勲業何必看青銅海市之禱餘事
爾官市一諫尤高風

續集

國朝詩

天有五行水為先地有四瀆海為大莫彼扶桑日出
東混茫蕩漾瀛洲下匪獨齊魯稱形勝洪纖清濁歸
包納孔子道大與此同問往觀之培增價自古及今
千萬年不洩不竭亦不窮况以吾生只望洋寂寥影
響甘蟠螫何嘗恭逢易簡之書行風紀敦風化以晝
繼夜有底忙囊封草奏無以報之學則孔子徒會
逢其適夫誰假蓬萊閣
風皎日當初夏
馬交馳浮又

沉樓臺突起明還滅元氣氤氳變態多徘徊瞻眺驚
且詫撫景揮毫恣品題字字句句追騷雅從此波平
塵不揚鯉魚遠避過三舍所惜還朝已及期雖欲借之不可借回首應思東土危正如
重載方稅駕前席惟祈進一言
金門早放金鷄赦薄賦輕徭罷用兵永令黎庶安耕
稼更進一言在用賢中流砥柱扶宗社

和東坡先生

廬陵靜齋陳鳳梧

乾坤元氣浮虛空千流萬派吞吐中丹崖竚立若砥

柱上有飛構神僊宮世傳海市甚奇絕不容人力還
天工我持節鉞撫東服救旱方欲驅蛟龍忽報雲瑞
蜃氣現奔走童稚喧老翁試登層城看幻影兩山夾
峙何其雄依稀山頂分復合頃刻變化誰能窮黃光
隱隱牽牛島羲馭卓午方昭融海波激石聲鏗答僊
欄靜聽如洪鍾共言兩兆庶在此但願齊魯歌年豐
秦皇紛然覓方士漢武何事營梁銅坡詩讀罷清興
發洪濤萬里乘長風

東海之勝予想慕久矣茲以附循全齊五月九日

在黃縣十日至登州兩日夜連夢若見海市然十
一日已刺果現海市現速登蓬萊閣觀之移時乃
散時陪觀者有大叅田心賢黃憲副昭道暨楊都閫
鼎也人言海現則二兩迨十四日果雨至暮予喜
遭遇之甚奇而朕兆之先見也輒用東坡海市韻
賦詩一章以記其勝云

登蓬萊閣

劉思賢

穿雲直上蓬萊閣醉拍闌干悲寥廓凌波仙子幾時
來孤島微茫青天落弱水西連昧谷東乾坤納納盪

摩中長蛟巨虺聲不吼四時雲雨護龍宮日出滄波
煙樹曉日窮塵世坐中了半洋笑指螺浮揚子回
思衣帶小澄清薄太虛氣槩豁天表
車方風如馬不見仙之人飄然而下芝草琅玕
前萬景森然妙難畫登臨我愧百年遲海市傳聞
且疑隨看變滅東風裏再拜坡翁千古詞尼父子
不輕語夷堅志之竟何補吁嗟東海神冥冥正氣
不願幻影成海市但願騰淵商家之霖雨流遍天
涯無下土神三幼高青海宇九
萬八蠻年年梯航朝

明王秦皇漢武徒寂寞何須更借揚州鶴

觀海市和坡翁韻

閩山少石游璉

波濤萬頃搖晴空祥光掣影珊瑚中
中溼萬象不可測五山浮海流
僊宮妖蟲吹氣生儻忽往來變幻誰
為工非煙非霧起千尺希奇盛事傳
蘇翁我來適與佳勝會遙見海若騰
蒼龍層峯削立車牛島大竹小竹環
爭雄分明圖畫列城郭卑高聚散無
終窮樓臺隱隱彩虹跨浮金耀壁波
融融塵懷抖擻豪興發便欲溷海吞
千鍾人生得樂自我有何必俛首思
元豐

醉來皓月駕瑤海，蟾蜍抱影流青銅。安得一帶航無
極，蜜邇太乙批瑤音牙石風。

同陸思菴憲伯觀海市

鄒善

盧敖慣作天外遊，昂霄高舉隘八州。竭來振衣從若
士，劇飲將軍海上樓。天吳戢浪靜不發，瀛壖音軟官外垣也
群筏趨輕鷗。長天一色連積水，中有三島即瀛洲。酒
闌忽報海中市，隱隱煙嵐見復收。已憚小竹層臺聳，
更驚大竹長城浮。造物吊詭不可狀，牽牛負嶠成方
丘。浮世如幻又如影，古來萬事皆悠悠。祝融空舂堆

石廩東牟謾詫鞭蒼蚪，倏然避地東海濱。倏然剖玉
臨淄侯，人生龍蠖亦如此。朝苑夕枯等浮漚，倏然矢
決聊城策，倏然願解平原仇。人生行止一萬端，今齊
明趙東逝流，倏然孤白獻強秦。倏然鼯鼠音生鼯鼠音吾
生啼荒陬，石火光同蜃氣迅。請君試問雍門周，我抱
貞常不幻者，對此亦爾成淹留。極目大壑總歸虛，掀
髯一咲海天秋。

九日同陸思菴憲伯登蓬萊閣遂赴秦將軍
太平樓宴敬步薛文清公詠海韻

重陽彌節牟子國同上飛閣望遼碣望中霧靄瀾瀾
平巖磯牛島相連結須臾長風來八邊吹衣落帽淨
浮漚飛鴻歷歷魚可數直將諸島送筵前手持菊盞
映波影俯檻玩之心神靜坐久已無車馬喧寧知萍
跡寄人境更上層城望轉高冷然御風何飄飄歡飲
將軍茱萸酒何須搔首發孤謡遙呼安期振袂起遊
乘六氣迅莫比時從東海泛北溟諦觀無朕對弱水

海市

李汶

茶牘無事堦簾清偶聞扃署剝啄聲倉猝遣吏走相

訊為報渤澥呈神工覽勝危步蓬萊閣瑰竒萬象交
閃爍吻開欲吞海嶽潮尾曳群山勢盤薄層闔盡堞
連城際宮宇參差窮點綴不聞車馬聲和鳴疏綺遠
扉時啓閉起若虹橋引千人動若鳳陣驚露滴長松
短檜碧森森洞府暫移諸僊籍大小陸離難象擬紛
合變化須臾耳乍見海市喜且愕誰信世事皆如此
側微曾作平陽奴一朝擁摩羅帝都飯牛鼓角夜悲
壯倏忽霖澍枯槁蘇封侯不偏將軍何長沙少年空
蹉跎錦帳銑谷翻塵土披裘帶索發浩歌大鵬橫霄

斥鷃笑娛母青娥爭綽約彭殤壽短相頡頏塞翁得
失速慶弔簾幙糞溷咤落蒼羊臆康莊天之涯崩縵
三彈珠履問多少生翼委泥沙雲霧蒸變千萬里逆
旅光陰一彈指回首世界海市收瞬息大夢春風裡
噫嘻哉人見海市喜且愕不知世事皆如此

次蘇文忠公韻

塞遠

滄波不盡吞晴空三山十洲微茫中公餘使君能載
酒携我來俯天吳宮壘磯牛島當孤城二竹競秀誠
天工居然觀海難為水奔濤駭浪疑蛟龍喜無蜃氣
礙遠景請禱却訝眉山翁日射滄溟萬象開水光天
色自爭雄一天幻影同浮世阮籍何用悲途窮詞壇
健筆得孫綽北海清尊逢孔融况此大觀不易得登
臨我輩殊情鍾已看甘雨遍東方東人是處歌年豐
濁醪暫爾對滄海紅顏忽漫老青銅異時靈劍酌
思後還擬乘桴一御風

晚宿閣中觀日苦為雲霧所障

毛在

蓬萊一榻最高峯夜靜濤聲入亭中五更起來望海

日彤雲密布天之東銀浪翻飛數百尺陰風熒慘如
洪濛殘月踈星水蕩漾蒼茫隱現于芙蓉十二玉樓
杳無際那有積金為天墉彷彿遙看自色澤明珠歲
在崑崙宮羨彼坡老謫僊子神人應禱鞭執龍即今
望日日未見敢微塵市煩神工

觀日樓觀日出

王雲

天雞四鼓鳴烏鳥炎官火傘奔天吳浩劫灰沉勢盡
燃鰲足掣斷剗輕韉手捫扶桑欲大叫賜谷恍已搖
窓窅窅云天徑十六萬洪濛一點通靈竅酒史露滴

收繁宿吳門疋馬入馳驟檻外寒濤風拂感堞邊別
島雲浮豆隙中白駒常如此魯陽怒戈亦曷止九鳥
妖隨羿矢飛彗父依然空渴死萬古晦明聊舒卷青
天白日貴無覘肝膽秦越柰爾何莫道長安有近遠

次觀日樓觀日出韻

咸池為浴扶桑烏蒼茫羲御趣天吳華蓋左旋杳何
朕牽山竿音翟狹也迫也斷隨輶音雷漢書輶輶不絕也輶音蘆輶也鼉
更遞向雞閣叫春潮細寫珠岩窅儵忽徘徊中央宮
萬象迸出渾沌竅燭龍啣火辟羅宿赤波奔湧金輪

驟鐵硯浮煙賦未成日林早散靈光豆魚磯閑人樂
有此雙旌煥彩胡未止登樓對日掃天章陽春喚醒
田螺死餐盡朝霞紅半卷洒之石上莖花靛瑞裊槐
堂濕紫泥五雲深處滄洲遠

觀海市

王雲鷺

從來蓬海說海市物色相傳得之耳我至移時異一
觀白日吏報海雲駛音吏疾也小竹大竹與牽牛三山相
連如山徙迤邐一帶圍城郭森成林鳥風旖旎兀然
三宇開窻牖玲瓏宛轉旌幢起初時乍有還乍無竚

看遼邈仍伊邇憶昔蘇公禱即見就中似有鬼物使
太守粗官目既真當年耳語今如彼悠悠心共託莫名
狀煙清颺細猶多似市后定有雨脚橫市分久暫雨
可指五月雲漢幾無麥老農候市深色土吾人言蜃氣
結樓臺海角多島寧無雉六合之外置勿論市乎市
乎竟何理默思造物坐嘆息人生幻影而已矣

蓬萊閣望海

黃應台

昔卧洞庭山汎觀山海圖東遊儼拂泰山雲遙瞰滄
桑窺蓬壺小竹大竹鼉磯連芙蓉島映浮游隅上有

五彩金英之美石下接三山赤水之玄珠東望天柱
峰西眺大珠樹瓊宮貝闕不可睹靈風颭颭卷飛雨
盤渦澎湃浪滾滾青天隆隆響天鼓龍藏其中是耶
非但見人魚作人舞慎勿戲之逢彼怒頃刻霧霏淚
下土前年初遊鳳皇臺嗟峨巨鰲如山來白波不動
鑑光曉雲颿千幅爭先開中流縮首心茫然恍如
乘雲行九天驚濤忽逐迴風旋砰雷轉較雪滿
川長江之險且如此何況渤海洪荒先我欲駕蒼虬
飛渡蓬萊洲臨流漱金碧長歌金石謳徐福安
期比目夢幻去余皇漢武何足尤安得溘溘釀作酒頽然
洪崖共拍手一嘆雲衢跨金鰲不用乘桴天吳走龍
宮海藏在崑崙前扶桑朝暎金鏡懸便激弱水三千里
直上崑崙第一巔

蓬萊閣集卷之六

五言絕句

唐詩一首

感懷一絕

無名氏

海門連洞庭一去三千里十載一歸來
幸苦瀟湘水

國朝詩八首

詠大竹小竹二絕

周鰲

大竹與小竹誰家好兄弟高名千古重
夷齊聖之清
首陽青不斷瀟瀟海上山歸周還叩馬
風雨對潺湲

登蓬萊閣二絕

梁木

粉署依山起青城向水開雲盤龍鳳舞日閃金銀臺
放艇牽牛島看釣上鼉磯點筆星飛視引盃雲滿衣

登蓬萊閣四絕

潘滋

來登羲仲宅朝日列仙官尚有堯時草欲取屈軼看
日照扶桑樹天門去不遙步履金螭背何勞問石橋
洲邊拾落翠竹裡結行厨無病食拘杞有客膾龍鬚
跳雨鳥逾白流霞樽借紅詩成珠滿把題就錦為叢

古意二首

海底有明月冷冷抱夜光空照濁水泥不得近君床
庭前三五樹夜夜有鳥啼喚起海中鳥背出金輪飛

春日蓬萊閣觀日

喬應春

五雲披欲捧九地轉如駝半出滄波外人間東白時
遠島浮蒼靄危樓俯巨濤眼前難道景絕代有人豪
酬唱誰賓主乾坤自古今凭欄一長嘯浩渺隔塵心
年來嗟岐路此日坐漁磯莫遣苑花笑海天朋舊稀
竹島餘龍窟衆田徧海陬車書今混一遼左屬皇州
茆屋數家曉山苑滿樹紅指顧扶桑外靈源此地通

軒蓋凌晨發城隍接海迴市寰驚露冕應是嶠壺來

蓬萊閣集卷之七

七言絕句

唐詩

登樓寄玉卿

章應物

踏閣攀林恨不同楚雲滄海思無窮數家砧杵秋山
下一郡荆榛寒雨中

送司馬先生

李嶠

蓬閣桃源兩處分人間海上不相聞一朝琴裏悲黃
鶴何日山頭望白雲



海上憶洛中舊遊

獨孤及

涼風臺上三峯月不夜城邊萬里沙
離別莫言關塞遠夢魂長在子陵家

宋詩一首

詠海

王師中

曉氣金莖露共浮日光照曜海山秋
巨鰲不負仙舟去留與幽人作勝遊

元詩五首

冷然泉

張國卿

萬派潮東日夜添隨波上下盡如鹽
誰知一掬冷然水不混長流獨自甜

日觀峰

蕭貢

半夜東風攬鄧林三山銀闕杳沉沉
洪波萬里無天湧一點金鳥出海心

望瀛臺春望

邢具瞻

晴雲如困柳如癡丹杏開殘碧草齊
一派望瀛臺下水煖風遲日浴鳥鷺

登蓬萊閣

王鹿巷

三山雲海舊曾來黃竹白榆手自我今日紅塵海
岸蓬萊閣上望蓬萊

風煙絕勝亭

蕭閑老人

一軒空洞納雲海萬象森然圓鏡中雲夢何妨吞八
九酒澆不下阮公胸

國朝詩九首

觀海二絕

王宗慶

長風吹斷海門霞三月登州始見花望出白雲千萬
里還當天外有人家

秦皇漢武亦雄才海上求僊竟不來千古風流春夢
斷碧苑岩下自花開

觀海二絕

于濤

海上煙雲午不收僊踪何處覓瀛洲幾時得遇靈槎
便直上銀河問斗牛
薄宦年來海上遊每驚雪浪起潮頭于今識得盈虛
數若比人心是順流

觀海四絕

楊載

直從南海觀東海翻憶今遊是舊遊身媿韓公淹五

嶺心憐蘇老勝全年 余先任潮州

秦皇碑碣虛無裏武帝樓臺煙靄中徐福不來王母去蓬萊高閣自春風

長山高山指顧前大竹小竹蒼翠連巨鯨春破千層浪靈蜃晴虛萬里煙

飄零莫復嘆天涯四海登臨此地奇綵筆幾人霄漢上至今猶說長公詩

送門人之登州 胡珙

博學曾傳鴻寶書蓬萊西去近靈須且將公事閣中

了知子儒不信有餘

答蓬萊羽客三絕

訪入蓬萊東又東呼童羞石履問山公半牛道路還多遠携爾乘槎海上行

多少浮名總是閑倦時沉醉醒登山謾獻碁子尋遲着滿徑椒花放白鵬

聞有桃源去問津煙霞洞裏悟玄真夜來醉帶麻姑酒別惹天香一樣新

田橫山

劉涇

相從五百盡同心千載猶憐義氣深誰道漢高能大
度潛身海島也追尋

海天八景題齊使君圖寄李使君覽

春潮帶雨

大學士郭朴

曾聞高隱愛滄洲誰識溟荒汗漫遊春曉觀潮兼聽
雨風濤雪浪拍天浮

又

進士張應登

鯢魚穴底海潮生浪捲波雜雨聲碣石坐來閒聆
望白鷗飛到欲為盟

旭日蒸霞

郭朴

陽烏颺彩挂扶桑海氣林樾散錦章何事披衣采
色飡霞新授異人方

又

小應登

逸駭音解去聲翔賜浴海瀾丹霞飾音飾人披赤身頂出
雲霄上杲杲朱光照四陲

島月搖光

郭朴

冰輪東上島煙清天際無雲海水下蕩漾流光涵素
影幽人對此獨怡情

又

張應登

別島嶼嶼皓月圓光澄瑋瑋水漫漫風來浪動銀河
轉倚杖低頭看廣寒

鮫宮幻象

郭朴

霽景蓬溟煙霧開恍如城市見樓臺睇思靈境多奇
幻疑有仙人共往來

又

張應登

金貝樓臺屈結成三山境界亦分明僊人飛度如平
地憐我招呼市上行

披裘垂釣

郭朴

小艇綸竿釣碧波羊裘混迹伴漁蓑海天日月寬如
許閒向西風倚權歌

又

張應登

若箇漁翁不為魚一竿一艇向歸墟絲釣釣着沃焦
海中淺水處石鼓世音意携來障草廬

藁石枕流

郭朴

翠屏環抱石床平枕畔冷冷漱玉聲睡起翛然神骨
爽蛟龍雷雨不須驚

又

張應登

蛇盤鏡裏幾多年洗耳扶桑黑水邊一去一來騎鶴
倦徘徊藪石枕流眠

送浪浮槎

郭朴

八月閒乘上漢槎海天八風景浩無涯漫尋牛渚支機
石擬看三山琪樹花

又

張應登

道人不是愛煙波欲逐靈槎織女河逆浪虬龍勤護
送竭來如騎復如梭

洪濤濯足

郭朴

石蹬高躋獨振衣灘流濯足晚方歸數聲漁笛煙波
起村火茅茨半掩扉

又

張應登

波濤噴起拂雲流磊石褰衣濯自悠不識巨鱗長萬
里偶然伸足踏穿頭

續集

次陳侍御韻

陳景隆

蓬瀛登處在雲頭光景無邊足勝遊滿目海天襟抱

澗昇平

聖化及遐陬

望海

清江黃繡

一碧如凝萬頃水
盡收元氣付薰蒸
飄然欲駕天風去
玉宇寒多恐未勝

登蓬萊閣六首

吳維嶽

蓬萊閣上起鸞笙
碣石雲紅嶠氣清
海水冥冥春又綠
至今無處問徐生

群山映帶曙霞開
千尺巉巖水上臺
仙馭有無春色

裏長空雲盡鳥飛迴

萬里晴波壓霧消
邈俚猶識漢皇宮
樓半倚空明

上日晚微風落洞簫

鞭石乘槎跡未分
衆山林外送斜曛
漫說海水論深

淺歷盡滄桑是白雲

微茫氣色閃金銀
島嶼莖花細浪春
酒洽正臨遺棗

地月門疑見弄珠人

南中烽燧近如何
江海魚鹽願息戈
干羽七旬應格

遠鯨鯢休破越裳波

和吳峻伯蓬萊閣六絕

王世貞

坐看紅日應天鷄
曙色中原一瞬齊
雄觀古來誰得似
崑崙高挂大荒西

虛無紫氣隱蓬萊
水落青天忽對開
已借鰲簪為島嶼
還從屋口出樓臺

絳節秋逢鸞鶴群
安期這信欲相關
袖中亦有千年棗
不羨瀛洲五色雲

早晚蒼龍自在眠
春波織就蔚參天
風雪忽捲秦橋去
日月還依禹碣懸

萬乘秋風屈布衣
滄桑今古定誰非
田橫五百應如在
徐市三千竟不歸

君泛仙槎擬問津
我從東海學波臣
隋珠却墜雙明月
鯨島寒光夜夜新

寄蓬萊秘藥致謝

張應登

海上神仙藥不傳
勞君寄我一莖玄
却嗤秦帝無緣分
錯恨徐生斷去船

海上清明側體四絕

程試

清明尚覺春寒淺
陌頭楊柳金絲軟
携朋載酒密山

頭坐愛芳草齊如剪

舉首滄溟連天碧羣山四顧翠微積開樽皎月正當
空杯中蟾影搖瓊液

滄溟萬頃何寥廓誰謂長鯨敢肆虐瑤島瓊洲堪博
遊凌空直欲乘玄鶴

深林俯聽啼百舌遙望龍山嵐氣結歸來一嘯海天
空匣中吳鉤白似雪

海上四絕同南澤劉將軍徐直道陳雲洲共
賦

尋春又上蓬萊閣萬里滄烟入眼廓三尺光鉅欲斷
鯨掀髯長嘯凌秋鶚

滄波出沒魚龍躍把酒談兵問海若喜得伏波有大
才深淵那怕長鯨惡

珠璣巖下頻頻酌兩兩紅兒相戲譚三島十洲真畫
圖醉來直欲乘玄鶴

海上春遊花未萼座間喜有千金諾大家同嘯碧天
空眼前一任浮雲薄

海上對月四絕

凍雲飛盡海天空一派清光萬里同對月開尊聊一
醉恍然身在廣寒宮

梧桐踈影滿庭臺皓彩光流吟興開醉取琵琶彈一
曲不知身世在塵埃

誰駕冰輪到海邊開尊相對興翻然金杯笑指蟾光
動疑是嫦娥下九天

還憶高樓醉月明美人玉甲走銀箏醉來一枕芙蓉
帳空笑巫山雲雨情

謁海廟二絕

魏哉海廟儼丹楹望海樓空接太清三島芙蓉潤眼
界何如宦海復營營

殿廊環列煥然新金碧輝煌迥出塵胎假不端方寸
地却從何處問明神

登蓬萊閣十絕

冀述

萬山低翠倚城隈隱隱樓船十道開碧海連天惟一
色白雲飛盡見蓬萊

滿目滄波去不還瓊樓依舊翠微間小東杼袖今何
似幾度臨流鬢欲斑

璇闕疑從畫裏看，波光雲影日盤桓。坐來頓覺人間
迥，一陣西風六月寒。

潮擁銀山護故城，仙樓百尺紫霞生。蓬萊自是清虛
府，莫問年來多少兵。

樓臺泛影女牆東，一葉漁舟萬里風。牛渚仙槎人自

去，煙波空憶月明中。

峰接鱗郊衣，猶翠望回龍。塞燧銷紅，春風不隔珠簾
外。鳥語花香，香人自同。

飛閣臨流萬石堆，人傳秦帝馭山來。無端砮礮英雄
起，忍教白蛇一劍催。

閣下懸崖漱玉流，珠璣錯落滿芳洲。六吳不禁連城
價，泪洒鮫人萬斛浮。

秦橋月滿明滄嶼，漢柱雲橫砥碧津。萬里洪濤環紫
石，不須升斗潤波臣。

海上六鰲浮翠島，人間千火隱仙臺。蜃樓謾逐卿煙
去，螭駕還隨日轂來。

奉次大韻

天台劉炳文

蓬萊擬作凌煙閣，極目乾坤轉寥廓。氣吐肩揚任激

昂長風萬里騫獨鷄

醉看雪浪當空躍蓬島三山常自若砥柱中流峙碧
空春和不見風波惡

登蓬萊閣觀海

徐元卿

海天一色望中看無數青山倒影寒秦漢祈仙休漫
說空留我輩浪遊觀

蓬萊閣登眺時重九後

程武

蓬萊高閣倚雲開萬里滄波入望來
三日曛曛相映出恍然身世在天台

碧浪連天一色同蓬山深處有僊宮憑闌遙對滄烟
渺頓覺塵寰萬慮空

九日滿城風雨點今朝復上蓬萊閣何須落帽羨登
臺爭似金尊對海月

海月一天光皎潔寸心自捫如冰雪玉山任倒倩人
扶一點虛明常不涅

蓬萊觀海亭集卷之八

唐詩四首

望海

周同



蒼茫空泛日四顧絕人煙半浸中華岸
旁通異域船島間應有國波外恐無天
欲作乘槎客翻然去隔年

贈客遊海

賈島

此別天涯遠孤舟泛海中夜行常認火帆去
每因風蠻國人多富炎方語不同
鴈飛難渡嶺書信若為通

望海

李嶠

習坎疏丹壑朝宗合紫微三山巨鰲湧萬里大鵬飛
樓寫青山色珠含明月輝會因天霧露方遂衆川歸

望海

李炯

瀛洲何處足島嶼接青霄日暝朝生霧濤鳴晚上潮
欲泛僊槎去其如絳闕遙臨流渾漫興六月動涼颼

宋詩三首

題海廟

梅賁

海岸何年廟真人舊乞靈玉旒開帝錫寶殿帶龍腥
照檻群山碧參天老檜青太平波浪靜佳氣滿滄溟

望瀛亭

杜子民

擁傳來觀海危亭一拂衣雲晴千恠出浸大百川歸
日月遭吞吐乾坤入範圖群鷗不須避禪寂久忘機

又

北望滄溟大茫茫天地間迴環知萬里縹緲認三山
漢使何年到星槎度歲還蟠苑應已熟方朔在人寰
元詩四首

登蓬萊閣

李愿

縱目有佳趣須登四景樓輪蹄喧市井棄穀暗郊丘

翠蓋雲生裏滄溟天盡頭闌干知幾曲倚檻恣清愁

壓山樓

城角樓孤迥高高勢壓山曲闌隣鳥道危砌俯人寰
嵐氣簷楹底雲光戶牖間灑然清景好登覽自忘還

賓日樓

于欽

賜谷朝迎日丹霞射海樓雲隨華毛衣鶴風送日南舟
孤島煙中樹平沙鴈外秋凭闌一雙互眺不盡古今愁

國朝詩十五首

登蓬萊閣

王允脩

觀海平生志登臨豁醉眸古今成過客天地一輕舟
無計蘇民困何人與國謀蒼茫煙水上疑是岳陽樓

五月登蓬萊閣四首

鄭芸

曉曙登蓬閣朝陽喜正逢錦雲延島文宿霧斂千峯
水遠者仙穴潮平聽蟄龍紅塵何處著萍梗愧無蹤
又

曉晴疑海闊島近訝僊逢欲渡無蘭楫重來戀竹峯
澄清慚李范獻納愧菱籠漫唱皇華賦行行無定蹤

登蓬萊閣

白珩

飛閣臨無地躋攀四望開
滄溟天外合島嶼日邊迴
水解遊魚上風和候鴈來
靈明神女祠絕代長公才

登蓬萊閣

柳本明

飛閣危樓上登臨天際頭
若雲圍島嶼恠市隱城樓
潮響蛟龍動波光日月浮
茫茫幾萬里何處覓滄洲

觀海市

李紳

風散神仙市望窮
凡五天竺山終愛寶島嶼
故舒煙
石人無有乘槎水斷連
欲尋任得句鐵笛隔雲傳

觀海市

湯紹恩布政

地迥非罽景亭虛敞洞天輕
鷗翻白浪薄筏泛蒼煙
長賦憐王粲高飛憶仲連
懸知風雅作永共海山傳

又

重城飛漢節五月散華筵
煙樹無還有雲岡斷復連
潮回天際鴈閣隱浪中僊
樂處相逢少何妨酒數傳

海市晚集

王傳

可愛水中屋堪觀花外樓
雲移金粟樹人在玉壺秋
壯志洗兵馬豪情問斗牛
我吟鳳吹曲誰與截琳瓊

音求
美玉

和白渠王明府登蓬萊閣 王言

何處覓芳瑤
天風起朔潮
樓臺疑蜃市
煙樹恍村招
僊靄渾無定
靈氣杳未消
漢槎如可問
千載慰空寥

春日侵辰予同王提軒登蓬萊閣觀日出尋

由山城過珠璣崖望海潮

羅廷紳

曉日升東海
紅霞散水明
五洲珠消客
况遠閣伴仙行
蜃氣漫山島
龍潭噴石聲
旌太和法象
秉隨處是蓬瀛

王光祖

春日度春城
春光照眼明
嵐煙依石轉
鳥語逐人行
喜氣臨車蓋
嘉雲拂旌旂
關門相顧訝
僊侶在蓬瀛

答蓬萊羽客

冀桐

一從來海上
幾度欲尋真
煮石分鄰火
歲砂贈主人
槎遙斗牛月
花雜野城春
還向終南去
白雲洞口新
壬子年五月次王僉憲一泉公海上宴遊

應大桂

佳辰當角黍
帥府厭華筵
遲日明花卉
新聲促管絃
寂寥慚簿領
文藻羨家傳
高門嫖姚節
何時奏凱旋

珠巖泛舟

曠絕東牟地層城與海通
仙山羅列並變態杳冥中
暫借烟霞力緣知造化工
蒼生應有待未許狎漁翁

續集

國朝詩

次陳侍御韻

陳景隆

飭兵東渤上乘暇望蓬萊
海晏夷通貢時清浪息雷
兔鳥隨吐納雲漢共昭回
道體分明見神功不可猜

蓬萊閣觀海

戚勳

傑閣凭虛眺超然官况閑
高情雲外鳥佳趣坐中山
川水看斯道天風破醉顏
春筍酒興彷彿出區寰

遊珠璣巖

鄭渾

絕頂乘雲霧長風吹鬣毛
捫蘿身獨健得句思還豪
下見扶桑小平臨北斗
高匏瓜如可摘吾欲泛天艘

登蓬萊閣

王言

宦寄歷三秋春歸嗣壯遊
山遙雲樹杳閣迥洞天幽
撫景知時變傾尊對客酬
東南民久困吾志切先憂

竹山王市

蓬島三山近瑤池四望通煙雲出沒處樓榭有無中
蜃氣傳非訛靈圖畫未工雄文當傑閣千載讓蘇翁

吳定

歲晚風為陣魚龍凍已堅水明忽上月雪擁不分天
驅石聞遺柱乘槎是幾年滄溟澤不改今古總茫然

張克家

曠哉茲一眺海色滿天涯目擊玄虛賦神搖博望槎
游龍通異域飛鶴出仙家坐賞不能去寒城落照斜

又

卸杯蓬萊暮暮景若相向田皎月衡海上輕雲過島浮
猜疑譚海市想像見瀛洲欲與安期遇茫茫何處求

還郡望海

謝繼科

難將河泊眼激水限三千絳氣浮無地華胥別有天
波平延海若吏隱接神僊自有真人息寧論鞭石年
陪飲閣上賦贈東萊司理李小菴

其一

乘輅來上客把袂此孤亭海逼延尊綠雲光帶眼青
真吾聊復得拙宦敢言醒為契九秋幹同臨萬里溟

其二

天吳揚蜃嶠珠容隱龍宮風自無邊穴雲生諸島中
陰開朝鮮外右扞扶桑東便可乘槎上寧須博望通
陪飲李民部閣上

其一

鴻軒催鼓瑟蟻醞促飛觴海色當筵敞秋風散閣涼
披襟乘羽躡送月良天紫百尺衝堪折猶言咏太康
其二
青山俯百雉紫氣隱長虹渤海三韓外方壺別島中

絃歌從月上鼓鼙在天東飲博寧妨醉雲梯欲御風

黃縣道中

晉江黃克纘

二月行將暮柳條猶未青人煙依北渚山勢入東溟
市井浮蜃氣盤飡雜海鯉惟餘風太朴茅屋不須扃

春遊次韻

趙人程試

政暇行春日西郊柳欲青鴈行底遠樹海市起滄溟
田婦初傳餉漁人乍獻鯉歸來問里靜外戶不曾扃
蓬萊閣觀海

大梁李惟中

清秋望遠海倚檻興何窮浪湧三山上潮迴萬派東

偶從鰲極斷忽與蜃樓通莫羨乘槎客吾今已御風

又

此夜仍佳節能無憶舊遊酒尊文舉宴詞賦仲宣樓
月色驪胎滿天空白鴈秋幾曾離宦海久已狎滄洲

蓬萊閣集卷之九

七言律詩

宋詩六首

詠蓬萊閣

趙抃

山巔危構倚蓬萊水闊風長此快哉天地涵容百川
入晨昏浮動兩潮來皇恩座上遊觀遠愈覺胸中度
量開憶我去年曾望海杭州東向亦樓臺

觀海

蘇軾

憶觀滄海過東萊日照三山迤邐開玉觀飛樓凌霧

起僊幢寶蓋拂天來不聞宮漏催晨箭但覺簷陰轉
古槐供奉清班非老處會稽何日乞方回

遊珠幾崖

海隅荒恠有誰珍流落珊瑚泣李倫法供坐令微物
重色難歸致孝心純只疑意茲來交趾未信蠩蛛出
泗濱願子聚為江夏枕不勞摺扇自寧親

海上書懷

鬱鬱蒼梧海上山蓬萊萬丈有無間舊聞草木皆僊
藥欲棄妻孥守帝闕雅志未成空自嘆故人相對若

為顏酒醒却憶兒童事長恨雙鳥去莫攀

次韻陳海州乘槎亭

蘇軾

人事無涯生有涯將歸釣漢江槎乘桴我欲從安
石遁世誰能識子差日上紅波浮翠巘潮來白浪卷
青莎清談美景雙奇絕不覺歸鞍帶月華

登蓬萊閣

許遵

鼓吹旌旗夾道開乘間接客上蓬萊良辰共喜黃花
節清宴休辭白玉杯一望山川連海闊數聲歌笑入
雲迴官家底事催清興風雨長吟一寫懷

元詩二首

海嶽樓

王汝玉

十二朱欄倚半空
元龍高卧定誰雄
簷楹翠濕蓬山
雨枕簟涼生弱水
風物色橫陳
詩卷裏雲濤飛動酒
杯中謫仙會有騎鯨使
八極神遊路可通

登蓬萊閣

黃士表

颯颯西風動綺羅
美人連騎奏笙歌
萬枝黃菊携當
盤雙引紅旌
懸上被
莫笑使君秋鬢白
須從嘉客醉
頰酡登臨此會誠難得
雅俗嬉遊一倍多

